


49270.25/  
28

龍山縣志略



志例

古善志郡縣者推武功朝邑然康書實本韓志而出  
建置於地理別選舉於人物例之善終弗韓若也今  
書一遵韓例物產風俗紀其異者官師人物舉其尤  
者田賦詳採買卹民隱也總志略士官賤竊據杜亂  
萌也雜記補遺併及時人俟後賢之徵且擇焉同治  
八年六月龍山縣典史朱克敬書

龍山縣志略

臯蘭朱克敬香孫撰



總志

龍山於古為蠻夷地唐末溪州刺史彭瑊逐蠻酋吳著冲而據之始與華通五代時屬偽楚宋屬上溪州元屬新添葛蠻安撫使明洪武初分置白巖長官司仍屬永順宣慰司 國初因之然皆彭氏世嬪奉職貢備徵調而已雍正五年永順土司彭肇槐納土始

龍山縣志略

總志

二

分為縣隸湖南永順府於天文為軫之分野於省治為極西北隅縱百八十里橫百七十里東至於米家店又東至於永順縣南至於隆頭鎮又南至於保靖縣西至於大堰坪又西至於湖北來鳳縣北至於王官嘴又北至於湖北宣恩縣東南連保靖之順江溪西南連四川秀山縣之石堤東北連桑植縣之扒那河西北連來鳳縣郊凡分里十六本城洗羅馬洛白巖近城者也洛塔他砂

嘉定張東墅先生他砂道中詩野桃花笑子規啼客路漫

春送馬蹄細柳輕烟寒食後亂山古驛夜郎西水田  
積雨千塍潤石磴盤雲萬障低墟里蕭條餘故壘晚  
來凝望一凄迷嚴學淦宿招頭寨太平寺詩心太平  
為貴安禪此上方軟紅飛下界萬綠擁空王石氣收  
殘雨鐘聲定夕陽深山二校明溪董補頭山行口占  
留古刹僧臘幾滄桑掛壁山窗小栖巖日影幽春餘  
花放晚樹密水藏流古路羣陰合高天眾壑收僧巢  
安一角雲氣湧層樓

五寨辰旗稍遠者也大喇嚴學淦賈家寨山行即日

到風冷冷萬仞山無插脚處俯視忽訝光瓏玲石穴  
洞開如廣厦倒射天光出其下隔山山影悄移來滿

地山痕綠如瀉三甲四甲撈車坡脚尤遠者也其山東則茨

巖坪鐵爐坡縣東七十里張嘉定過鐵爐坡詩寒雲  
漾日脚返照隱危壁冥冥愁地窮荒荒

龍山縣志略 總志

覺天仄人如磨螳旋路與飛鳥逼儼憑一九封詎假

五丁力同仇念偏裨久戍心惻惻在氛幸遠颺往事

重恍惕長城昔守邊天塹今資賊險阻安足論臨風

三嘆息劉沛鐵爐坡詩踣地羣山小岿堯入太虛駭

人猿墜澗爭道鷓衝輿大壑風雷轉荒祠翹翹居時

平消伏莽驅馬尚躊躕幽徑不知暑夏涼生薜蘿馬

聲掀谷出人影貼天過野火燒荒坵巖南則茅坪縣

泉滴細渦莫誇雲棧險西望止坡陀

三十龍頭巖洛塔縣南六皆危峰出雲仄磴緣壁一  
夫折筮三軍奪氣永澧之西戶保辰之北藩也其水  
則卯洞河在縣西南九十里發源宣恩忠洞里之觀  
音坪由宣恩而西經來鳳龍山之交至百福司又西

經四川秀山縣之石堤合酉水西折而南至龍山之  
隆頭鎮以滙於沅洗車溪在縣南百二十里發源縣  
東之紅巖溪張嘉定自紅巖溪至茅坪書所見詩路  
人巖腰險人從澗底行野梅寒帶雪林  
鳥暖啼晴村小難成市山深更苦兵  
老涕縱橫嶺轉溪迴處林嵐慘不春荒原新戰骨  
破屋孑遺人賣劍無留犢吞舟有  
縱鱗監門今不作誰為繪流民  
曲折而南由洗車  
經撈車里以會於隆頭鎮縣多山少水百貨轉輸胥  
是賴外此若西南之八面山以限蜀鄂也東北之黃  
連界以障桑植也城東南之兩溪河以為外濠也他

龍山縣志略

總志

四

無關形勢不通舟楫者略之城又在縣之西北隅建  
於知縣袁振緒道光間邑人黃大鉞張廷輝重修之  
同治二年知縣福瑞復增之高尋有六尺厚半之徑

一圍三里門東西北各一南二

知縣袁振緒新修城  
記振緒以己酉令新

邑龍駐江西寨安輯招徠竊維固圍保民設險為先  
而善治之始必得形勝宅之然後有所憑依以戒不  
虞初議建城於鹿皮壩已豎常平倉矣而地乏井泉  
難資保障乃復率僚屬相陰陽略基址卜吉新田堡  
山環水繞土堅而腴遂墾辟草萊而城之周圍以里  
計者三高尋有四尺城根濶尋有尺五長七百四十  
尋有奇內外以礮石夾矜堞女牆俱磚甃四門建樓  
櫓門各衣以鐵東曰咸慶南曰永安西曰定遠北曰

承恩地倚山爲高故無池是役也帑庾大啓假之便  
宜糜金錢九千八百餘緡不給者削衣貶食以勸之  
興修於雍正庚戌九月閱壬子冬十月功竣寒暑靡  
懈氓庶同懽美哉始基之矣夫天下事不勞胡逸當  
興築時夫役工作豈無累我父老而一勞永逸自今  
以往 國家萬億年丕基龍邑之鞏固亦相與無終  
極也豈非父老之 城內縣署在其東左 萬壽行宮  
幸歟遂爲之記

張嘉定新建 萬壽行宮記 谿州在萬山箐薄中地  
遐且僻於楚南爲極邊 國朝雍正初改流設郡風  
教所被從古侏儻荒陋之俗湔滌殆盡而龍山人士  
尤知大義敦善行鄉曲之氓皆愿樸畏法勤於力田  
一旦會有事變相率執干戈急公難忘勞而致其命  
固其天性然歟蓋 重熙厚澤涵煦感發之深也直  
省郡縣例設 萬壽行宮爲慶典令節朝賀之所月  
吉宣講 聖諭則讀法遺意龍邑闕焉父老子弟瞻

龍山縣志略

總志

五

戀雲日未獲遂其悃忱者百餘年而縣署側有五通  
祠蠹胥猾役窟其中以毒痛吾民久矣同治二年秋  
修府以督防至亟投神像火中察胥若役之黠而冠  
者將盡懲之祠故奢麗倍恆制邑人黃一濤等請卽  
其地恭建 行宮鳩工庀財咸奮躍從事夏生建寅  
願輸資佐其役修府爲一再白行臺省以杜阻撓者  
是冬移攝長沙迂道重經邑城則巍然煥然規制已  
備率屬官紳耆式序成禮焉越明年冬工始竣循故  
事由縣牘詳而邑人書來請刻石之文又明年秋乃  
克爲之記於庠人心風俗之患至今日烈矣自民弱  
於邪慝結黨譸張寢釀爲羣盜海宇騷然蓋踰一紀  
至窮島醜類益恣肆其誕妄不經之言簧鼓蔓衍而  
不可究夫豈真民之無良與風會之不古若哉辟之  
養苗然厚培其本根而力去其蝨賊則在司牧者任  
之而已修府守郡三載龍邑再被寇憑 國寵靈亦  
賴士民同心捍衛以免於危區區率作之誠重資眾

力與舉盛典此以知人心風俗無時無地不可有為  
所願後之君子毋廢成事以時宣上恩德達下民  
之情而淫昏之殘酷蠹之藪澤尤當監於既往懲  
其方來俾無敢復逞以為民害庶幾獄訟衰止苗禍  
不作敬承休命於有永也是役計用工資二千餘緡  
夏生任其半而一灑等力成之出納井然又籍入五  
通祠田產租息為歲修之用其詳具列碑陰董其事  
者知縣福瑞訓導周之燦典史朱克敬邑人則黃一  
濠黃元齡鍾必瑚龍哀黃元復劉沛黃模木右遺愛  
黃榮本鄭秉彝饒榆齡實始終之例得附書

祠更右典史署學署在其北署西為龍神祠東為文

昌廟又東孔子廟

節孝忠義名宦鄉賢諸祠均

關廟

知縣袁振緒建邑人黃大

鐘重

常平倉千總署在其西更西為三閭大夫祠稍

### 龍山縣志略

總志

六

東為城隍廟火神祠又東為伏波南將軍祠書院在

城東

舊在城北知縣朱沛霖建後邑人張廷輝移置

義學二一在城內關廟

左一在隆頭鎮社倉二一在城西一在城南先農壇

舊在城南道光間邑人黃大鎮移建

在書院之前邑厲壇在城北社稷

壇在城南天王廟在城南五里

天王神舊志不詳所始考辰州府志以為

漢田疆子據谿蠻以拒王莽瀘溪縣志以為夜郎侯  
子嚴如煜苗防備覽引沅州府志以為宋將楊灝兄  
弟征蠻有功還朝飲藥酒卒於小暑節苗土民尊祀  
之於是日尤盛神三人面赤白黑各異道光十一年  
因苗叛顯靈林文忠公入奏諸公祠均其側嘉慶元  
年教匪劫封鎖遠侯靜遠侯綏遠侯

龍山城四川建昌鎮以偏師馳援城  
以全後追賊沒於宣恩民感而祀之  
諸神祠在祀  
典者歲時官吏祀如例餘則聽民自祭焉縣據辰澧  
上遊西走夔萬北紐施鄖於湖南爲極邊於楚蜀爲  
腹地民強直可用湘西之巖邑也



物產志

龍山僻荒物罕珍異紀其濟民用與小異者穀則蜀黍俗名包穀貨則桐茶油服則土絹禽山雞獸飛狐材枿白石石甚似玉

風俗志

龍民樸贛而士氣特貞恥干謁尚風節爲郡屬冠顧甚畏敬官長雖極魚肉草菅之弗敢聲可哀也歲時慶祭昏喪略同他縣惟元旦後一日袒臂叫呼迎南

龍山縣志略

物產風俗志

八

將軍神土民每歲正三月祭土王祠巾繡被插樹葉爲兜蓋狀擺手唱歌則猶沿蠻俗耳鄉氓尤好訟胥役利其然卽復欺弄之因細故輒牽連數十人經數年或至覆家弗已有志移易風俗者清心省事而又漸之禮教庶乎可矣

田賦志

龍山四境爲山者十之八水田尤少改流時聽民自占田地二百九十五頃六十二畝零歲徵秋糧銀八

十四兩零戶八千有奇丁四萬有奇咸豐初增至五萬丁三倍之皆無丁銀田新闢者亦弗科蓋 國家卹邊民特休養孳息之也然自嘉慶初臺議代武陵縣買民穀四千石食保靖永綏營兵道光四年又增買千餘石石復徵夫二人而民稍困矣久之價不十一及民而輸穀恆數倍且履畝而徵與秋糧無異倉胥里役中飽取盈益不堪命或赴愬 京師乃下臺省議少汰其甚咸豐四年知縣雷封與民約民弗領

價官則徵三之二官民俱便而胥役計窮矣然積久苛索之竇漸開防川者可勿塞其涓涓乎其他徭役則道光初知縣屠可標盡革之今未嘗增賢吏之澤民也遠矣

官師志

瘠土無善治吏卹饑寒營事畜之不暇而能憂民者鮮矣矧其民愚且易與乎然豪傑之士固不以貧而易其守樸陋而鄙其民也龍有令凡百餘年循良可稱者蓋亦有人矣

袁振緒山東曹縣人邑初設官時由醴陵調任攜襍被從一奴至舍茅舍中日與父老話耕桑及中朝禮樂冠裳美盛事民初聞吏來皆驚避至是始稍稍就

龍山縣志略

官師志

十

之久之益大安惟恐縣之無吏居三年城垣祠廟公署次第以完有議丈量新邑者振緒怫然曰彼惟困土司苛法故樂爲天子民今復苛取保無反側憂且地實瘠安可剝民以求媚耶固請仍秋糧原額牘三上乃報可龍民之飽且久安繫振緒力也

林龍章福建侯官縣人嘉慶元年教匪陷來鳳民驚徙龍章登陴大哭曰守天子土弗能禦寇而令吾民流亡以死吏之罪也令鄉勇護之出境民素德龍章

至是益感動乃相率歸執挺筐石以助守賊百道攻之弗勝凡二十餘日會救至乃解

繳繼祖山東東平人性廉峻馭胥役至嚴有役某者最黠猾繼祖至置大鑊堂下油沸其中召某至歷數其陰事畢促就烹某自投乞命則曰自今能保若及若之徒類弗悞法乎某叩頭具狀乃釋之歸歸竟以悖死邑境有盜藪爲楚蜀間患繼祖詭往盡得其徑路巢穴及徒黨姓名乃率壯士乘夜往擒悉置諸法

龍山縣志略

官師志

十一

終其去後無擾民民無苦盜者

徐璿直隸北平人甫至任卽奉文增採買穀千餘石璿堅持不可時穀賤民弗爲苦璿曰穀不常賤且吾在民故得銀他日將無銀而倍徵穀矣再三言於大府弗聽人多迂之後卒如璿言璿爲政不立異務求便民庶幾循吏云

陳敬曾浙江人治尙寬仁民有訟者輒涕泣導之或不直卽墨塗其面民以訟爲恥未嘗嚴治書役而縣

庭經歲無事雖甚姦猾伎莫能施

屠可標直隸人性嚴肅訓士必以禮有衣冠弗正及  
文倍理者輒呵責若嚴父兄然政特惠慈邑舊領司  
庫銀採硝胥役因緣爲姦則弗徵硝而責銀益埒以  
雜役民患苦之有傾家者可標至卽牒大府罷之官  
六月而卒民釀金送其喪葬更立祠祀之邑遺愛祠  
蓋始於可標也

人物志

天地清厚剛正之氣所運而積則賢材生焉氣之至有後先故賢材之生有遲速夏殷之吳越周之荆楚固文身缺舌之邦也今則文物之盛蓋嘗爲天下甲矣豈其人今智而昔愚耶亦運會然耳龍山之爲縣至僻且陋其人材恒不若吳越荆楚百一然淑氣所浸風教亦漸而開吾烏知夫數十百年之後龍之人不與東南之人爭長耶故紀其尤者以著其兆

龍山縣志略

人物志

十三

李光業貢生篤學不倦好著書嘗手輯龍山志一卷頗詳核後知縣繳繼祖因以成書縣之有志自光業基之也

聶愈達性孝謹以貢生官辰溪縣訓導父病痺卽棄官歸養扶持臥起親穢惡無強色十九年未嘗朝夕離父沒遂不仕鄰有婦姑勃谿者其夫至愈達家歸卽逐其妻鰥居奉母卒以孝聞其至性感人如此後舉鄉賢以貧不得達然人稱道不衰也

黃恢先有至行事父母盡孝數十年如一日妻死終身弗娶或問之曰吾幸有子矣娶或不賢是重貽父母憂也後入祀孝弟忠義祠

晏多略有拳勇家居常持巨鑱重三十觔舞以爲戲嘉慶元年寇圍龍山多略募鄉兵數十人時出賊背擊之賊反顧則又引去如是者三日賊忿甚乃僞攻城而出不意圍多略鄉兵皆沒多略獨持鑱左右接戰矢刀矛所當輒斷或起空中擊以火槍亂石胥弗

龍山縣志略

人物志

十四

入卒破圍出蓋多略之技能以器圍身而藏身於無間神矣後從總兵諸神保破賊來鳳諸死告歸奉母終身

張廷輝家富於貲顧獨能不吝與同里黃大鉞等凡築城治塗設津梁賑饑乏諸有益於人者靡不共又移建書院置書數千卷田歲供數十人食其爲善未嘗近名終其身弗倦殆古所謂篤行君子也

黃大鉞嘉慶丙子副榜貢生授官湘鄉縣教諭見同

官索新進諸生贄至面赤聲嗷不已愀然曰是豈吾所能哉卽投劾歸諸生有徒步千里從之學者大鉞

家固富以勇於為義致中落陳本欽黃君墓表略曰君性和易樸誠與人無

爭而施予輸助一無所靳道光五年仲夏龍山大水漂溺死者眾君與邑之好義者張君著堂倡建石橋於南河費鉅萬橋旋圯亦旋建復馬學宮在縣治中年久且壞君獨力捐資規葺之龍山介四川湖北之交縣處處邊徼且密邇苗疆往者三省流匪作亂來鳳殘破而龍山獨完緊城垣是賴既歲久城已惡壬寅春君又與張君完繕築新之其他睦姻瞻戚施藥除道育嬰埋胔建文峯塔置科名田舉時俗所亟稱之以為君美者自君視之皆分之所應為力之所得為歆然若無足悉數者也晚年尤好讀

龍山縣志略 人物志 十五

書著退一步軒詩文集十卷讀經質言八卷

鍾大銘監生客安徽鳳陽縣幕會寇發官吏皆遁大銘獨留曰吾衣食乎鳳陽數年矣難至弗與共可乎且吾客也不當死今死亦以愧夫苟祿而避其難者卒不去賊至大罵被磔死後入祀忠義祠

田玉梅字鼎臣好奇計及陰符遁甲書年二十餘遊京師以言妖祥陷刑部獄久之得出乃走金陵以策干提督向榮請潛入城約諸被脅者應官軍凡三八



三出已成約矣會事洩賊大索玉梅玉梅伏水竇中  
五日夜始得脫恥其言不復遂北渡淮謁侍郎勝保  
勝保授以偏師使攻擒賊所向輒捷積功至太康縣  
知縣陞直隸州知州加鹽運司運同銜賜花翎卓勇  
巴圖魯咸豐十年秋暎夷犯天津京師戒嚴玉梅上  
書大府請益師勤王時大府皆斤斤守故常見玉梅  
牘大駭以爲狂一日三檄止之玉梅投檄抵地罵曰  
夫馬知戀主有人性若屬蟲豸也急君父之難奚以

例爲卽日誓師北行至汝陽縣有擒匪十數萬扼要  
路玉梅素易擒賊又北行急因直前搏戰賊大敗追  
奔二十餘里玉梅軍不相屬從者僅十餘騎賊復反  
鬪諸壁觀者皆應之圍數十重玉梅手弓於左右持  
刀且射且戰所殺傷數百人自寅至未圍益急矢盡  
刀缺不可用馬中流矢欲倒回顧從者特一卒跛而  
隨乃棄刀下馬拔所佩劍徒步接戰卒呼曰賊壘在  
北今將軍北圍愈厚不可出若南行吾後軍幸至冀

得脫玉梅曰然然吾悞矣乃復轉戰而南會天薄暮賊恐失玉梅乃以火槍叢擊之洞胸貫腦而死死良久始篝火得其屍一賊持刀將斷玉梅首屍忽起撞持刀賊仆地賊駭奔以玉梅爲神卽日移營去後軍至因得收其屍跛卒者以佯死伏草中免事聞

卹贈太僕寺卿世襲雲騎尉汝甯州屬建祠祀之

許華智鄉民咸豐辛酉之亂援軍敗於城下賊蟻附將登華智時立山上望急招同志者十人踊而下持

龍山縣志略

人物志

十七

矛大呼曰援軍至矣以矛挑賊數人陷其陣後無繼者遂戰死時昏黑中賊不知我軍多寡會城中亦出死士斫賊賊疑有伏乃引去

黃元齡字伯海大鉞子以諸生援例爲直隸州州判家居性寬達嘗以天下爲己任咸豐十一年秋蜀寇陷黔江及鄂之咸豐來鳳諸縣來鳳者距龍城十五里而遙時承平久卒聞警官民駭散特尉校官與士有識者數人在謀募兵爲城守計元齡聞之奮然曰

彼且能然吾可坐視耶乃盡出所藏錢數百千椎牛  
饗宗族及鄰居佃人約共入守又選鋒百人備斫賊  
部署畢而賊至時城內兵民不滿千元齡揮眾擊之  
殺傷甚夥賊怒攻益力經三晝夜火藥盡兵民皆憊  
不支援軍至與賊戰又覆城中大兇哭聲滿衢巷元  
齡大呼曰事急矣有能出斫賊馘一級者予百緡譟  
而下者十三人馳入賊中斬一級以歸立予之又入  
又斬數人賊乃引歸來鳳間日卽復來元齡輒出奇

龍山縣志略

人物志

十八

應之亡何粵寇十餘萬復自楚西而北徑龍山與來  
鳳賊并眾懼思委去元齡曰吾觀其旗偃行而疾志  
不在城也旣而果然解圍後叙功得知縣加府同知  
銜賜花翎後率師防邊兼理貴州天柱縣事以勞卒  
於軍中 卹贈道銜知府廕一子入監讀書

堅苦卓絕之行求之名都大邦之儒冠儒服者且難  
而山野之婦女往往能之蓋聞康熙時有彭鳳林妻  
田氏者爲容美土司所掠欲妾之田以釵自抉其目

乃幽之別室要以千金贖田脫臂釧賂守者使召其夫至握手涕泣曰子家貧何能具千金促歸娶婦續宗祀且奉二親勿我念也乃闔扉自經死永順土司

彭肇槐誌其墓

文鄙俚不載

近日有伍張氏者伍茂勳妾咸豐辛酉茂勳擄於蜀寇三年不歸其姑及大婦以張無子且妾也欲嫁之其父母若兄弟夫之兄弟皆曰宜張知終不能守一日從容告其姑曰兒夫陷賊三年矣將死耶猶生也

龍山縣志略

人物志

十九

聞某山神至靈請決馬而後嫁姑許之乃盛服攜楮帛往祭山巔臨巖設祭祭已大哭西向祝曰妾不能終事姑嫜以待君歸妾負君矣乃墜巖而死嗚呼二人者可謂烈矣使天下之儒冠儒服鍾鼎食而華堂居者而皆若此則天下之亂庸遽至此極乎其他孝友端謹之士貞節之婦女尙百有餘人事迹弗詳故弗具載

雜記

節孝祠按會典在紅牆外今附大成門側明禮君子固當正之

常平倉舊存穀萬石今無矣各里社倉經亂多燬僅城西南二處尚存脫遇凶災束手無措有心民瘼者倘宜先事籌歛

邑穀夫之害甚於採買蓋採買出於農夫則極貧弗免且官入無多去之未大損也

龍山縣志略

雜記

二十

邑胥役黠猾冠郡屬五通祠實爲其窟自張公燬祠後其焰稍息然官貧舍若輩無由得食終不能不爲之用耳

土民多同姓昏及叔妻嫂者惟禮可以已之非盡法令能禁也

邑介川鄂又去省遠寇至猝無以禦余與邑人經營數年器甲略備更得積穀千石錢二千緡則緩急有恃矣

鐵尉曰余讀舊志志良吏及善士凡數十顧事皆弗詳豈其人果無一善可名耶則又奚以志也其亦文獻殘軼載筆者無所於徵耳余官龍山八年矣見吏與士之良者未嘗無人懼其久而沒沒也爲略紀其事迹以俟後之考者其人皆存故別於志

李熾福廣東英德人官龍山四年治尚清靜之官時役數千人迨後乃數十人然廢墜未嘗弗舉又能爲民計久長初大府檄行團練吏多束閣置熾福獨與

龍山縣志略

雜記

三十一

士民孜孜講求聯什伍並村寨擇士紳良者董之後龍邑再遭寇頗賴其法余官龍山時熾福已解官將行行之日民扶攜遮道送者百里相屬香烟爆竹聲迷漫震山谷人對面不相見但聞哭聲太息聲殷勤致別聲望塵弗及奔走喘呼聲嘈嘈不已城空市爲之罷者三日嗟乎此非實有所以感其心而能致此符爲霖字徵巖江西永豐縣人同治乙丑科進士以同治六年二月署縣事其爲治廉靜未嘗汲汲趨事

而事無廢待人以誠每延劉沛鍾必瑚黃一灃諸人與共論治一切官文書皆出示知無所避匿數月民大安訟日以稀邑有富室爭墳者饋金二百爲霖夜召而歸之卒不言其人明年春代去行有日矣值歲大饑爲霖盡出常例所餘畀士紳買穀鄰郡以糶士紳感其義後釀數千緡佐之是歲斗米千餘錢而境無道殣爲霖力也去後年餘民有赴愬於省者爲霖與之言皆感泣而返民至今思之祀之遺愛祠

龍山縣志略

雜記

二十二

張昕字晴軒漢軍

旗人以遊擊署永順協副將

辛酉之變知府張公修府聞龍山某令攜家遁欲單騎往守昕曰賊所向未可知郡寮屬皆某輩耳太守去卽城空矣昕請代行遂以百人至賊環攻昕率所部往來應之城垂陷復完者再天寒雪厚餘尺冰綴甲裳滿舉步窻窻有聲士卒僵痺不能起立夜半客兵多竊臥民舍或圍爐飲獨昕部無敢離堞及返顧者夜巡城必四五週四閱月如一日賊退以讒劾去

後隨某將爭黔卒於軍民思其功祀之諸公祠  
嘉定張公名修府字東墅江蘇嘉定縣人以翰林出  
知永順府爲政一以誠信其所行皆民所望於吏而  
弗得者每令出民謹呼走相告趨之恐弗及居三年  
民不知郡有他吏咸豐辛酉寇圍龍山龍令某素貪  
狡不信其民間警卽攜家遁民將潰公急以副將張  
昕往又手諭父老豪傑曰幸自爲守勿以令故離心  
有事逕達郡由是人得盡力城卒以完同治二年寇

復至公單騎趨龍時邑有舒某者結川楚間無賴數  
千人居常撻人於市刦於途莫敢問至是人情益疑  
懼公行之先日密書示余曰爲我致舒某惟汝能洩  
若縱卽先斬汝矣余乃計縻之部下公至令曰明日  
大閱軍詰朝官吏將士咸戎服俟公閱軍畢召舒至  
數其惡命斬以徇三呼縛階下數百人皆目語無敢  
動者舒徐徐起厯階下將吏相顧面如土余亦心悸  
蓋舒黨盛慮倉卒有變也公徐呼良杰何在一壯夫



手劍出公後斬舒階下袖出一紙曰公有令誅首惡者餘弗問上卒股栗莫能仰視而反側亦私喜自安相與謹應聲如雷良杰者晏姓亦龍山人有技勇公腹心士也蜀寇固恃舒內應至是聞其誅卽引南去城再獲全邑有五通祠爲書役城社訟者必於是取盈乃得庭質公怒治其魁而火之卽其址建行宮百姓如釋重負如盲者覩日星焉後移守長沙民思之立廟以祀至今父老歲時祭饗必誠其子孫曰世世

龍山縣志略

雜記

二十四

無忘張公公待士大夫暨僚屬皆恂恂謙下見人困阨輒涕泣不食寢必濟之乃卽安人多謂公長者然或義所當爲卽毅然力持去就禍福生死一不以介其心其在郡善政至多弗備紀紀其獨在龍山者猶對山志耿都督意也

張慶雲貢生性至孝母死躬負土成墳廬墓三年以臥地久患濕痺足莫能舉一夕夢神曳之曰起起遂愈今父死廬墓如故

饒維煜諸生敏達有幹略辛酉歲寇圍龍山兵無餉而維煜實司出納一日晨起諸健兒噪而之局露刃索維煜維煜臥方醒披衣躍而出笑曰殺一老傭奚以噪爲坦而示之腹曰來來刃之衆以維煜書生可脅至是皆睥眦弗敢聲維煜從容曰諸君忍饑守陴良苦雖然使殺我而遂飽耶則奚惜此白頭顱若猶未也則又奚以噪爲衆慙謝去維煜乃夜緇出書卷遍假民間穀三日得穀萬石以歸自是終解圍軍無

缺食者子榆齡英敏如父而爲文章雄健有氣漢陽黃先生嘉定張先生皆亟稱之事繼母尤以孝聞

李如篋字竹吾世居龍山中順天庚子科舉人博學攻詩文尤善尺牘性和雅對童僕無疾言遽色少善曾公國藩後曾貴屢書招之不往強檄致之數日託疾而歸贈以金不受親族多咎如篋相國重君獨不可言某等與一官乎如篋笑曰相國重我正以不妄十年卒無所言其和有守如此官瀏陽縣教諭陞衡

州府教授

劉沛貢生性孤介博學工詞章其爲文詩務窮幽極險而出旣出則又若天然者文學孫樵詩學韓乃轉似山谷家貧授生徒自給或餽以錢粟一不受嘉定公至龍山首訪其廬懷金欲贈之往來三日卒不敢出所著有何陋居詩文初集八卷毛詩釋辯十卷靈溪山水志一卷十四經日記二十卷

鍾必瑚諸生剛直負氣不侵爲然諾常送友人葬道龍山縣志略  
雜記  
二十六  
遠先時往會天大風雪喪弗能行必瑚立巖樹下一日夜手足痺坼鬚眉冰凝卒俟葬畢成禮而歸疾惡尤甚見小人終日不與一言友朋有過差輒面責數非其人悔易弗已

黃一灃諸生沉靜有遠識亂後各里社倉俱燬一灃所司獨存蓋聞警時已分貸農民矣次年大饑發倉賑之多所全活今其穀猶歲增嘗曰朱子社倉卽荆公青苗法顧用者何如耳一灃究心經世之學著求

治庸言八卷多通達理勢推見本源晚年又著五禮輯要二十卷書本秦蕙田通考博不及而考辯精審或過之

黃榮本諸生性嗜飲善睡與之言多恢詭不經人皆以爲憤榮本亦自安於憤旣而其諸弟以析產將與族人訟榮本持不可諸弟乃置酒召有口者數人謀以說榮本榮本至則引滿狂飲以箸擊桹歌杜詩三別之章且歌且飲飲甚醉卽引被蒙頭臥漏四下弗龍山縣志略

雜記

二十七

醒客逡巡散去事竟已人由是知榮本不憤然榮本實有膽識能任重不特內行過人也

補遺

呂懋恆陽湖人同治八年三月任父荃孫咸豐時官  
福建巡撫有聲懋恆雖世家子而朴訥無貴倨習爲  
治廉靜略如符爲霖故民間有符聖人呂佛子之謠  
邑歲買民穀數千石食保靖永綏兵地故少穀又山  
險運尤艱前令易以銀兵民便之有年矣會歲饑兵  
噪而索米羽檄督促繼於道或勸懋恆循舊章可已  
責且獲利焉懋恆歎曰穀賤責銀年饑責米民何以  
堪且以呂某一身貽小民百世害可乎盡鬻其衣物  
以償卒不變法民至今思之